

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ - СИЁСИЙ ГАЗЕТАСИ

№ 20 (9.823)

2003 ЙИЛ 29 ЯНВАРЬ

САМАРАЛИ МУЛОҚОТЛАР ДАВОМ ЭТМОҚДА

Мадрид, 28 январь. ЎзА махсус мухбири Озод РАЖАБОВ хабар қилди:

Мадрид марказидаги «Леалтад» майдонида мамлакат озолиги йўлида жон фидо қилган курашчиларга атаб ёдгорлик мажмуи бунёд этилган. Испанияда давлат ташрифнинг иккинчи кунини Президент Ислон Каримов ана шу ёдгорлик пойига гул қўйишдан бошлади.

Испания Сенатидан ушбу мамлакат парламенти етакчи вакиллари билан учрашув бўлиб ўтди. Таъкидламоқ хоизки, қадимий Испанияда олий мартабали меҳмонни кутиб олишнинг ўзига хос анъаналари мавжуд. Шунга биноан, аввал икки давлат мадҳиялари янгради. Сўнг Президентимизга Сенат ва Депутатлар конгрессининг медали тақдим этилди. Ислон Каримов Сенатнинг қадимий ва бой кутубхонаси билан танишиб, «Олтин китоб»га дастхат битди. Ислон қонунчилари мамлакатимиз раҳбарига мамлакатнинг 1978 йили қабул қилинган конституциясининг нодир нусхасини тақдим этди.

Сенат ва Депутатлар конгрессининг раҳбарлари - Хуан Хосе Лукас Хименес ҳамда Руди Убеда Луиза Фернанда, доимий кўмиталар раҳбарлари иштирокида ўтказилган кўшма йиғилишда мамлакатимиз раҳбари Ўзбекистонда изчиллик билан амалга оширилаётган ислохотлар бераётган самаралар ҳақида сўзлади. Парламентлараро алоқаларни ривожлантириш мамлакатларимиз ўртасидаги муносабатларнинг муҳим йўналиши эканлигини таъкидлади.

Президент Ислон Каримов маҳаллий анъанага биноан суворийлар кузатувида Мадрид мэриясига ташриф буюрди. Мамлакатимиз раҳбарини шаҳар мэри Хосе Мария Алварес дел Манзано кутиб олди. Бу ерда Ислон Каримовга Мадрид шаҳрининг рамзий «Олтин калити» тақдим этилди.

Мэр билан бўлиб ўтган суҳбат чоғида Ўзбекистон ва Испаниянинг тарихий шаҳарлари ўртасида қарор толган қадимий алоқаларни тиклаш ва ривожлантириш икки томон учун ҳам фойдали эканлиги таъкидланди. Мадрид билан Тошкент ва Самарқанд шаҳарлари ўртасида бевосита ҳамкорликни ривожлантириш масалалари юзасидан фикр алмашилди.

Куннинг иккинчи ярмида «Монклоа» саройида Президент Ислон Каримов ҳамда Испания ҳукумати Раиси Хосе Мария Аснар раҳбарлигида икки мамлакат делегацияларининг учрашуви бўлди.

Музокарада Ўзбекистон билан Испания ўртасида сиё-



сий, иқтисодий, маданий-маърифий соҳалардаги ҳамкорликни кенгайтиришга оид масалалар муҳокама қилинди. Савдо-иқтисодий алоқалар кўлами замон талаблари ва икки томоннинг имкониятлари даражасида эмаслиги қайд этилиб, келгусида ҳамкорликни янада ривожлантириш борасида атрафлиҳда фикр алмашилди.

Музокара якунида Ўзбекистон билан Испания ўртасида Сармоёларни ўзаро рағбатлантириш ва ҳимоялаш тўғрисидаги битим, шунингдек, иқтисодий вазирликларни, ташки сиёсат маҳкамалари ҳамда Ўзбекистон Олий ва ўрта махсус таълим вазирлиги билан Испаниянинг Алкала де Энарес университети ўртасида ҳамкорлик тўғрисидаги меморандумлар имзоланди.

Испания сайёҳлик соҳасида дунёдаги етакчи ўринлардан бирида турди. Жаҳон сайёҳлик ташкилотининг (ЖСТ) қароргоҳи Мадридда жойлашгани ҳам бежиз эмас. Президент Ислон Каримовнинг мазкур ташкилот Бош котиби Франческо Франжели билан учрашуви чоғида Ўзбекистонда сайёҳликни янада ривожлантириш ва бу борада мамлакатимизнинг ЖСТ билан ҳамкорлигини кенгайтиришга доир масалалар муҳокама қилинди.

Мамлакатимиз раҳбари қайси давлатга ташриф буюрмасин, албатта, ишбилармон доиралар вакиллари билан учрашади. Мадрид сафари ҳам бундан мустасно бўлмади. Ислон Каримовнинг Испания Тадбиркорлар ва саноатчилар конфедерациясида бўлиб ўтган учрашувида Ўзбекистоннинг иқтисодий салоҳияти ва имкониятлари, мамлакатимизда хориз сармоясини учун яратилган имтиёз ва қўлайликлар ҳақида сўз борди.

Ўзбекистон Республикаси Президентининг Испанияга давлат ташрифидан давом этмоқда.

(ЎзА)

Абдувоҳид Тўраев олган сурат.

ХУМСАГОСИ

Барча мамлакатлардан
олинган суғитга хабарлар

Мамлакатимизда

• Ортимизга ташриф буюрган Япония парламенти ташки ишлар бўйича котиби, депутат Шинако Цучия хоним раҳбарлигидаги делегация вакиллари Ўзбекистон Республикаси Бош вазири Уткир Султонов билан учрашди, Ўзбекистон парламенти раиси Эркин Халилов билан суҳбатлашди.

• **Кеча** Ўзбекистон Республикаси Вазирлар Маҳкамасида Япония ҳукумати мамлакатимиздаги тарихий ёдгорликларни муҳофаза қилиш учун ажратган қиймати 141 миллион иенлик бегараз ёрдам борасидаги алмасув ноталарини имзолаш маросими бўлиб ўтди.

• Назорат органлари фаолиятини мувофиқлаштирувчи республика Кенгазининг навбатдаги мажлисида республика назорат органлари томонидан 2002 йилда ўтказилган текширишларни мувофиқлаштириш якунлари кўриб чиқилди.

• **Кеча** шаҳримиздаги «Саёҳат» меҳмонхонасида республика Табиати Кенгазининг давлат кўмитаси ҳузурдаги Давлат экологик сертификатлаштириш, стандартлаштириш ва меёрлаштириш бош бошқармасининг махсусот ва хизматларни сертификатлаштиришнинг халқаро меёр ва талабларига бағишланган анжумани бошланди.

• Ўзбекистон Республикаси Давлат божхона кўмитаси ҳайъатининг кенгайтирилган йиғилишида соҳа олдида турган устувор вазифалар таҳлил қилинди.

• Гулистон шаҳридаги пахта тозалаш хиссадорлик жамиятида йилга 350-400 тонна махсусот тайёрлаш қувватига эга лнтдан момик тайёрлайдиган янги цех ишга тушди.

• **Бугун** республикамиз пойтахтида ҳаво ўзгариб турди. Фарбдан сониясига 5-10 метр тезликда шамол эсди. Кундузи ҳаво ҳарорати 5-7 даража иллик бўлди.

Жаҳонда

• **Бугун** Киевда МДХнинг 8 та мамлакати — Россия, Беларуссия, Украина, Тожикистон, Молдова, Грузия, Арманистон ва Озарбайжон Президентлари норасмий учрашув ўтказди. Унда асосан иқтисодийга тааллуқли масалалар муҳокама қилинади.

• Дунёдаги энг боши саналмиш «Майкрософт» компаниясининг раҳбари Билл Гейтс жаҳон соғлиқни сақлаш тизимида улкан муаммага айланган ОИТС-га қарши курашиш мақсадида 200 миллион доллар маблағ ажратишини маълум қилди.

• Афғонистон ва АҚШ қўшинлари мамлакатнинг Покистон билан чегарадош худудларида маҳаллий дала кўмондони Гулбиддин Хикматёр қўшинларига қарши харбий амалиёт ўтказмоқдалар.

• Бельгиянинг Брюссель шаҳрида Европа Иттифоқига аъзо давлатлар ташки ишлар вазирларининг учрашуви бўлиб ўтди.

• МФВ халқаро жамғармаси ўзларининг қарз мажбуриятларини тўлашга кодир бўлмаган мамлакатлар учун глобал банкротлик тизimini тузиш юзасидан ўз режасини маълум қилди.

ҚИСКА

■ **МИРОБОД** туманидаги маҳаллалар гузарларида **БУГУН** дан бошлаб беш ҳафта давомида кам таъминланган турғи ёшдаги аёллар ва воғга етмаганлар «Амбуланс» бригадаси томонидан тиббий кўриқ-

дан ўтказилади. «САУ» жамғармасининг шаҳар бўлими ҳамда туман ҳудудий тиббиёт бўлими томонидан ташкиллаштирилган хайрия тadbирининг биринчиси «Толарик» маҳалласида бўлиб ўтди.

■ **БУГУН** Ўзбек Миллий академик драма театрида Тошкент шаҳар Соғлиқни сақлаш бош бошқармасининг ташаббуси билан «Тўғри овқатланиш —

саломатлик гаровидир» мавзусида илмий-амалий анжуман бўлиб ўтди. Анжуманда тиббиёт соҳаси мутахассисларининг «Рационал мутаносиб овқатланиш ва уни ҳал қилишнинг замонавий йўллари», «Кўркак сути билан боқинининг афзалликлари», «Алиментлар камқонлик ва уни даволаш усуллари» ва бошқа мавзулардаги маърузалари тингланди.

■ **КЕЧА** зиёлилар, маҳаллалар оқсоқоллари ва ҳуқуқ-тартибот идоралари вакиллари иштирокида «Суд-ҳуқуқ ислохотлари жараёнида жамоатчиликнинг ўрни» мавзусида илмий-амалий анжуман бўлиб ўтди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.

Маданият

Рассомларнинг
шахсий
кўргазмалари

Ўзбекистон Бадий академияси ўзининг республикамизда вилоятларидаги бўлимлари билан яқиндан ҳамкорлик қилиб келмоқда. Энг истеъдодли ёш рассомлар асарлари асосида кўчма кўргазмалар ташкил этишга ҳам эътибор қаратилмоқда.

Академия йўлланмаси билан бир гуруҳ таниқли мусаввирларнинг Фарғона вилоятига қилган сафари қутилган натижани берди. Фарғоналик рассомлардан Муҳаммаджон Жўрабоев билан Абдураҳим Абдураҳимовнинг шахсий кўргазмаларини очиб тадбирлари кўрилди.

Тасвирий ва амалий санъат билан шуғулланаётган фарғоналик ижодкорлар асарлари кўргазмаси эса Тошкентдаги хинд маданияти марказида намойиш қилинади.

«Навоий»

фильми — 55
ёшда

Бундан 55 йил аввал суратга олинган «Навоий» фильми мамлакатимиз кино санъати тарихида алоҳида ўрин тутди. Ўзбек шеърятининг буюк даҳаси Алишер Навоийга бағишланган бу ижод намунаси дастлабки тарихий-таржимани ҳол жанрида юзага келган нодир экран асари сифатида ҳам қимматлидир.

Атоқли кинорежиссёр Комил Ерматов томонидан постановка қилинган мазкур фильмдаги бош образларни Раззоқ Ҳамроев, Асад Исмаилов каби кўзга кўринган актёрлар яратган эдилар. Муסיқаларини Р. Глиэр ва Т. Содиқовлар басталашганди.

Ушбу сана республикамизда ўтказилган «Навоийхонилик» кунларига тўғри келганлиги рамзий маъно касб этмоқда.

Айни вақтда бу воқеа ушбу фильм постановкачи режиссёри Комил Ерматов таваллудининг 100 йиллиги олдидан нишонланмоқда.

Саҳнада —
диплом
спектакли

Саҳна ҳаракати ва актёрлик маҳорати бўйича уштирилаётган ўқув машғуллари Маннон Уйғур номидаги Тошкент Давлат санъат институти талабаларида қизиқиш уйғотмоқда. Бундай маҳорат сабоқларини амалиётда қўллаш мақсадида олий ўқув юртида диплом ишлари сифатида спектакллар ҳам тайёрланмоқда.

Утган йилнинг ўзида диплом спектаклидан бир нечтаси саҳна юзидан кўриди. «Ҳазон бўлган умр» деб номланган постановка эса бўлажак актёрларга катта омад келтирди.

Институт доценти Маҳмуд Рашидов бадий раҳбарлигида саҳналаштирилган бу асардаги ролларни ижро этишда истеъдодли талабалардан Фарҳод Болтаев, Меҳрибон Имомбердиевалар айниқса, катта маҳорат кўрсатдилар.

Томошабинлар томонидан яхши қутиб олинган мазкур постановка олий ўқув юртида спектаклларидан энг яхшиси сифатида Ўзбекистон телевидениеси орқали кўрсатилди.

Ақбар АЛИЕВ

«Таълим-тарбия — онг маҳсули, лекин айни вақтда онг даражаси ва унинг ривожини ҳам белгилайдиган омилдир. Бинобарин, таълим-тарбия тизимини ўзгартирмасдан туриб онгни ўзгартариб бўлмайди. Онгни, тафаккурни ўзгартирмасдан туриб эса биз кўзлаган олий мақсад — озод ва обод жамиятни барпо этиб бўлмайди», — деган эди ўз нутқида Президентимиз Ислам Каримов. Бу сўзлар ҳозирги кунда биз учун жуда муҳим ва долзарбдир. Таълим ва тарбияни бошқариш жараёни энг муҳим ва мураккаб меҳнат тури деб эътироф қилинган. Таълим ва тарбия ривожланиб борган сари, бошқарув ривожланиб янада мураккаблашиб боради.

Шундай қилиб, таълим ва тарбия борасида ҳар ким чуқур ва мустаҳкам билимсиз олдимизда турган вазифаларни бажариш, ишда ҳам силжишга эришиш мумкин эмаслигини аниқ тушуноғи даркор.

Ўқувчиларнинг таълим-тарбия тизимида айниқса мактаб кутубхоналарининг роли каттадир. Ўқувчилар ўз бўш вақтларида ёки дарсдан сўнг мактаб кутубхоналарида ўз савияларини ва билимларини оширадидлар. Улар таълим-тарбия соҳасида ҳар хил китоблардан, қўлланмалардан, журнал ва газеталардан фойдаландилар.

Маълумки, Ўзбекистон қадимий бой тарихга эга, шу жумладан таълим-тарбия бобида ҳам.

Аждодларимиз бизга инсон меҳнатининг минглаб аjoyиб намуналарини, санъат, фан, адабиёт асарларини мерос қолдирганлар. Буларнинг барчаси юз минглаб оддий инсонларнинг меҳнати билан бунёд этилган. Бу ҳақда мактаб кутубхоналарида ўқувчилар учун машҳур аждодларимизнинг ёзма ёдгорликлари сақланиб келинмоқда. Таълим-тарбия борасида Амир Темур, Абу Наср Форобий, Ал-Хоразмий, Мир Алишер Навоий, Мирзо Улугбек, Абу Райҳон Беруний, Аҳмад Фарғоний ва кўплаб бошқа аждодларимизнинг юз йиллаб олдин ёзилган асарлари ўқувчилар учун ҳам катта аҳамиятга эга.

Ҳозирги авлодимиз орузи илм-фан ютуқларидан баҳраманд бўлишидир.

Ёшларимизнинг тарбияси ва замонавий таълим олишлари учун биз таълим тизими — болалар боғчалари, мактаб, лицей, коллеж, олий ўқув масканлари негизини мустаҳкамлашимиз керак. Мактаб кутубхоналари фондларини ҳам таълим-тарбия асосида ривожлантириш учун ўқув ва бадий китоблар билан бойитишимиз керак. Шунда биз ўқувчиларнинг таълим-тарбиясида кутубхонанинг ролини, иш фаолиятини оширган бўлаемиз. Келажак баркамол авлодга боғлиқдир. Чунки янги жамиятнинг фаровон турмуш савиясида, гўзал ҳаётни шу авлодлар барпо қилади. Тарбия заминидан — маънавият, аймон, инсоф, диёнат, меҳроқибат сингари фазилатлар туради. Таълим соҳаси ҳам шу фазилатлар билан чамбарчас боғлиқ. Соғлом авлодни тарбиялаш — буюк давлат пойдеворини, фаровон ҳаёт асосини қуриш демакдир.

Республикада таълим-тарбия тизимининг тубдан ўзгартрилиши ва ислохотларни амалга ошириш мактаб кутубхоналари ҳам янгилик киритилиши ва фаолиятини ривожланишида муҳим омил бўлади. Бу эса ўқувчиларнинг, яъни баркамол авлоднинг таълим ва тарбияси рисоладагидек бўлишининг асосидир.

Азизахон ЗАЙНУТДИНОВА,
фалсафа фанлари номзоди.

• МУЛОҲАЗА

Таълим-тарбия
tizimida
maktab kutubxonasining roli

• 2003 — ОБОД МАҲАЛЛА ЙИЛИ

Тошкент шаҳар Фавқулодда вазиятлар бошқармаси ходимлари ҳамда «050» — Қутқарув хизмати пойтахтимиз аҳолиси ва таъминлари осойишталигини сақлаш, хавфсизлигини таъминлаш, улар орасида фавқулодда вазиятларга оид тарғибот ишларини яхши йўлга қўйиш борасида кенг қўламда ўқув-амалий ишларни бажариб келишмоқда.

Доимо ёрдамга шай

Бу борада шахримизнинг кўпгина маҳаллаларида, ўқув муассасаларида, корхона ва ташкилотларида Фуқаро муҳофазаси бўйича бир қатор ўқув амалий тадбирлари ўтказилди. Куни кеча Яккасарой туманидаги «Дамарик» маҳалласида ўтказилган тадбир ҳам шулар жумласидандир.

Олий Мажлис томонидан 1999 йил 20 августда қабул қилинган «Аҳоли ва ҳудудларни табиий ҳақда техноген хусусиятли фавқулодда вазиятлардан муҳофаза қилиш тўғрисида»ги Қонун аҳоли, халқ ҳўжалиги, ишлаб чиқариш корхоналарини турли хил табиий офатлардан ва техноген тусдаги фавқулодда вазиятлардан пухта ҳимоя этишга қаратилган. Ушбу Қонун талабларига жавобан бошқарма шахсий таркиби томонидан фавқулодда вазиятларнинг олдини олиш, улардан аҳолини огоҳ этиш, ташкилот ва корхоналарнинг мунтазам, бетўхтов ишлашини таъминлаш борасида қатор режалар ишлаб чиқилмоқда ва улар ҳаётга татбиқ этилмоқда.

«Дамарик» маҳалласида ўтказилган ўқув-амалий машғулоти тўғрисида маҳалла фуқаролар йиғини раиси Мирвали ака Турсунов ўз фикрларини қўйидагича билдирди:

— Телевидениеда бериб борилаётган фавқулодда ҳолатлар ва бундай вазиятларда хизмат кўрсатаётган қутқарувчиларни қўриб, қани энди бизнинг юртимизда ҳам шундай хизмат бўлса

деган орзуда юрар эдим. Мана орзуларимизга ҳам етдим. Бугун гувоҳи бўлганингиздек шахримизда хизмат кўрсатаётган Фавқулодда вазиятлар бошқармаси вакиллари ҳамда «050» — Қутқарув хизмати йиғитлари маҳалламизга ташриф буюришди. Улар билан ҳамкорликда маҳалламизда яшовчи иш билан банд бўлмаган фуқароларимиз ўртасида табиий ва сунъий ҳолатда юзага келадиган фавқулодда вазиятларнинг олдини олиш, тасодифан содир бўлганда қандай чора-тадбирлар қўллаш кераклиги ҳақида қизгин мунозаралар, қизиқарли суҳбатлар бўлиб ўтди. Бу ташрифдан маҳалламиз фуқаролари жуда мангун, негати, кўпгина билмаган нарсаларимизни билиб олди.

Бошқарманинг «050» — Қутқарув хизмати малакали мутахассисларга эга, улар кечасио кундузи ўз вазифаларини сидқидилдан бажариб келишмоқда. Қутқарув хизматининг тиббиёт ходимлари, альпинистлар, гаввослардан ташкил қилинган қутқарув гуруҳлари пойтахтимиз аҳолисига ўз вақтида керакли ёрдамларини кўрсатишмоқда. Бошқарма зобитлари тез-тез қутқарувчилар малакасини ошириш борасида, қутқарув қуролларини амалда қўллаш, бундай ишларда зарур бўлган муҳандислик техникаларини билан танишиш, хавфсизлик қоидаларига риоя қилиш бўйича назарий ва амалий машғулотларни мунтазам ўтказиб бормоқдалар.

Ўқтам САМАДОВ.



Кексаларимиз доимо эъзода.

Ҳажим Солихов олган сурат.

• САЊАТ

Муסיқали кеча

Успенский номидаги республика болалар муסיқа мактаби ёш ижрочилари билан Ўзбекистон Миллий симфоник оркестри ҳамкорлигида уюштирилётган муסיқали кечалар томошабинларга манзур бўлмоқда. Ўзбекистон Давлат консерваториясининг катта концерт залида намойиш қилинган навбатдаги концерт дастури ҳам яхши қутиб олинди.

Муסיқа мактабининг бир гуруҳ истеъдодли талабалари тайёрлаган номерлар ўзининг мураккаб ижро этилиши билан ҳам ажралиб турди. «Бах-концерт» эса ёш скрипкачилар томонидан оркестр жўрлигида маҳорат билан тингловчиларга етказиб берилди. Композитор Чайковскийнинг скрипка учун ёзган муסיқалари намуналари тингловчиларда завқ-шавқ уйғотди.

Устоз санъаткор Исмоил Жалилов раҳбарлигида ташкил этилган бу муסיқа кечаси дастуридан яна бир неча мураккаб асарлар ўрин олди.

Ақбар ЙҮЛДОШЕВ

**«050»: қўтқарув
хизмати хабарлари**

**Сувдан
чиқарилди**

«050» — Қўтқарув хизматининг навбатчилик қисмига Яккасарой тумани ИИБдан кўнғироқ қилиб, шу ҳудуддан оқиб ўтувчи «Бўри жар» каналда 55-60 ёшли аёл жасади борлиги айтилганда. Қўтқарувчи гаввослар зудлик билан воқеа содир бўлган жойга етиб бордилар ва жасадини сувдан олиб чиқиб, туман ИИБ жиноят қидирув бўлими ходимларига топширдилар.

**Симёғочга
урилди**

Яккасарой туманидаги Оқ йўл кўчасида ҳайдовчининг эҳтиётсизлиги туфайли 10 AW 180 давлат рақами «Дамас» русумли автомашина йўл четига симёғочга қаттиқ урилди. Натижада ҳайдовчи ва унинг ёнидаги йўловчи оғир шикастланган. Бирининг ўнг оёғи синган, бирининг боши жароҳатланган. Қўтқарувчилар жабрланганларни кабина ичидан тортиб чиқариб, уларни шифохонага жўнатдилар.

**Машғулот
ўтказилди**

Тошкент шаҳар Фавқуллода вазиятлар бошқармасида яқинда Республика ИИБ, Бош бошқарма ва вилоят ИИБнинг бир гуруҳ зобитлари билан 7 соатлик ўқув машғулотлари ўтказилди.

Фавқуллода вазиятлар юз берган пайтда қандай иш олиб бориш зарурлиги ҳақида йиғилганларга шаҳар Фавқуллода вазиятлар бошқармаси бошлиғи полковник Э.Икромов ҳамда майорлар С.Жигалин, А.Қосимов ва бошқалар маъруза ўқидилар.

**Бола
қўтқарилди**

Мирзо Улуғбек тумани, Паркент кўчаси, 19-уй, 15-хонадон ичида 5 ёшли бола қўлфланиб қолганлиги ҳақида хабар олинди. Қўтқарувчилар тезда бориб эшикни очиб бердилар.

Шунингдек, Миробод тумани Афросиёб кўчаси, 61-уй, 19-хонадонда яшовчи Одиловдан «050» — қўтқарув хизмати бўлимининг навбатчилик қисмига хабар келди. Уй ичида газ плитаси ёниқ қолиб, эшик қўлф экан. Қўтқарувчилар бу гал ҳам ёнғиннинг олдини олишди.

Ўткир САИДОВ,
Тошкент шаҳар Фавқуллода вазиятлар бошқармаси Матбуот хизмати бўлими ходими.

Бугун «Камолот» ёшлар ижтимоий ҳаракатининг 14 вилоят, 209 туман, 20 мингдан зиёд бошланғич ташкилоти фаолият юритмоқда.

Харакат сафида 4 миллион 400 минг нафар аъзо бор. Шундан 570 минг нафари олий ўқув юртлири талабаларидир.

Ўтган даврда йигирмадан ортиқ йўналишда иш олиб бораётган Харакат ташаббуси билан ўн тўрт мингдан зиёд ёшлар иш билан таъминланди. Кўплаб талабаларга таълим кредитлари, ёш тадбиркорларга тижорат кредитлари олишда ёрдам берилди.

Йигит-қизларга турли касб-хунара ўргатиш, уларнинг ҳуқуқий маданиятини юксалтириш, диний ва тарихий билимини мустаҳкамлаш мақсадида турли танловлар, давра суҳбатлари, амалий машғулотлар ўтказилди.

Кичик ва ўрта бизнесни ривожлантиришда ёшларнинг иштирокини кучайтириш, уларни ҳарбий ватанпарварлик руҳида тарбиялаш, оммавий спорт билан шуғулланишга жалб этиш доимий диққат-эътиборда бўлди. «Камолот»чилар ташаббуси билан ёшлар гавжум маҳалла-ларда, ўқув муассасалари ҳудудларида ҳашар йўли билан юздан ортиқ спорт майдончаси қурилди, 161 та мавжуд бундай иншоот таъмирланди.

Ёшларнинг тиббий ва экологик онгини юксалтириш, улар ўртасида соғлом турмуш тарзини тарғиб этиш, инсон саломатлигига жиддий хавфи бўлган зарарли иллатларга беришдан асраш мақсадида кенг қамровли ишлар олиб борил-

моқда. Жумладан, ЮНИСЕФ ва ЮНЕЙДС халқаро ташкилотлари кўмағида ишлаб чиқилган ва самарали татбиқ этилган «Гиёҳвандлик ва ОИТСнинг олдини олишга қаратилган ёшлар маърифий дастури» буйича амалга оширган ишлари учун «Камолот» ёшлар ижтимоий ҳаракати Жонатан Манн халқаро мукофотига сазовор бўлди.

Абу Райхон Беруний номидаги Тошкент давлат техника университетида бўлиб ўтган «Камолот» ёшлар ижтимоий ҳаракатининг олий таълим тизимидаги ўрни» мавзусидаги республика илмий-амалий анжуманида шулар ҳусусида сўз юритилди.

Тадбирда Олий ва ўрта махсус таълим вазир С.Ғуломов, «Камолот» ёшлар ижтимоий ҳаракати марказий кенгаши раиси Б.Убайдуллаев, Олий Мажлисининг Ёшлар ишлари қўмитаси раиси Азамат Зиё, Республика «Оила» илмий-амалий маркази директори В.Каримова ва бошқалар сўзга чиқиб, ёшлар онгига миллий истиқлол ғоясини сингдириш

усуллари, ҳуқуқий давлат барпо этишда навқирон авлоднинг ўрни ҳусусида тўхталди. Талаба ёшларни ватанпарварлик ва аждодлар аъвалларига садоқат руҳида тарбиялашда «Камолот» ёшлар ижтимоий ҳаракатининг ўрни, Харакат олдида турган вазифалар, бошланғич ташкилотларнинг маҳалла ҳаётидаги мақеи каби долзарб мавзулар юзасидан фикрлашиб олинди.

Баҳор ХИДИРОВА,
ЎЗА муҳбири

**Ёшлар ташкилоти:
ютуқ ва вазифалар**

Бундан икки йил муқаддам «Камолот ёшларнинг чинакам таянчи ва суянчи бўлсин» деган мавзуда бўлиб ўтган тарихий учрашувда Президентимиз Ислам Каримов мамлакатимиз ёшлари учун алоҳида ташкилот зарурлиги, унинг асосий мақсад ва вазифалари тўғрисида фикр-мулоҳаза билдирган, тавсия ва кўрсатмалар берган эди. Бу борада ёшларни бирлаштириш, уларни соғлом турмуш тарзи талаблари асосида тарбиялаш, манфаатларини ҳимоя қилиш, йигит-қизларнинг ўз ақл-заковатини тўла намоён этиши, жамиятда муносиб ўрин эгаллаши учун шарт-шароит яратишга асосий эътибор қаратиш лозимлиги айтиб ўтилган эди.



Келажагимиз вори-слари бўлган фарзандларимизнинг ҳар томонлама ўткир зеҳни, билимли, комил инсон бўлиб вояга етишлари учун мактабда ўтилаётган дарслар ҳам ниҳоятда қизиқарли ва замонавий талабларга жавоб берадиган махсус синфларда ўқитишнинг мақсадга мувофиқ бўлмоқда.

Сергей Любич олган суратлар.



• ТАДБИРЛАР

«Навоий гулшани»

Ғазал мулкининг султони, улуг бобомиз Алишер Навоий ўзидан улкан адабий мерос қолдирди ва халқ маданиятини жаҳон даражасига олиб чиқди.

**Бу гулшан ичра йўқдир бақо гулига сабот
Ажаб саодат эзур қолса яхшилик била от,**

деб ёзган шоир Мир Алишернинг яхшилик билан қолдирган оти ўчмас, бақо гули эса сўлмас ва ҳазон бўлмасдир...

Алишер Навоий таваллудининг 562 йиллиги олдида юртимизнинг ҳар бир гўшасида кутлуғ санани тантанали тарзда кўтиб олиш ишлари қизғин ўтказилмоқда.

Яқинда Бектемир туманидаги марказий кутубхона, 1-маданият уйи, 293-мактаб ҳамкорлигида «Навоий гулшани» номи қатта адабий байрам кечаси ўтказилди.

293-мактаб ўқувчилари шоирнинг ғазалларидан парчалар, шеърларидан монологлар ўқишди, маданият уйи ходимлари томонидан «Фарҳод ва Ширин», «Лайли ва Мажнун» дostonларидан саҳна кўринишлари маромига етказиб, маҳорат билан ижро этилди.

Марказий кутубхона ходимлари эса «Наводир ун-ниҳоя» девонига жамланган Навоий ғазалларига алоҳида урғу бериб, ифодали ўқишди.

Адабий кеча барчанинг қалбига ўчмас из қолдирди.
Гулчеҳра ДУРДИЕВА

Миллий ғоя — бизнинг ғоя

Инсонлар онгида ёт иллатларга қарши мафқуравий иммунитет ҳосил қилиш учун албатта миллий истиқлол ғоясини сингдириш муҳим аҳамиятга эга. Ана шунга қатъий амал қилган ҳолда шахримизда жойлашган ҳар битта туман маҳаллаларида, олий ва ўрта махсус ўқув юртиларида, ташкилот ва муассасаларда тушунтириш ишлари олиб борилмоқда.

Шайхонтоҳур тумани ҳокимлиги, «Маънавият ва маърифат» маркази, «Маҳалла» жамғармасининг туман бўлимлари ҳамкорлигида «Оқлон» маҳалласида ўтказилган тадбир ҳам айна юқоридаги мавзуга бағишланди.

Унда иштирок этган маҳалла фаоллари, ёшлар, ўқитувчи мураббийлар Миллий истиқлол ғояси борасида ўз фикр ва мулоҳазаларини билдиришди.

— Ушбу мавзу юзасидан айна пайтда барча маҳаллаларда тушунтириш ишлари давом этмоқда. Яқинда туман ҳокимлигида тумандаги барча ўқув юртиларининг «Маънавият ва маърифат» бўлими раҳбарлари, педагог тарбиячилар иштирокида ёшлар масалалари юзасидан ҳам баҳс-мунозара тарзида давра суҳбати ўтказдик, — дейди «Маънавият ва маърифат» марказининг туман бўлими бошлиғи Зубайда Азизова. — Истиқлол ғоясининг аҳоли ўртасида оддий халқ тилида тушунтирилиши яхши натижа беради. Баландларвоз, мураккаб сўзлар албатта кишини толиқтиради. Шу мақсадда маърузачиларимиз ғоя, мафқура, миллат тушунчаларини халқ тилида асослаб беришмоқдаки, натижада тингловчилар ҳам бу борада ўз тушунчаларини изоҳлашга ҳаракат қилмоқдалар.

Орзуғул РУСТАМОВА

Спорт

Тошкентликлар биринчи ўринда

Келажагимиз ворислари — ёшларимизни жасур, соғлом, жисмонан бакуват бўлиб вояга етишларида жисмоний тарбия ва спортнинг ўрни беқиёс эканлиги ҳеч кимга сир эмас. Бу борада Мудофаага кўмаклашувчи «Ватанпарвар» ташкilotи ҳам кейинги йилларда ёшлар ўртасида турли хил спорт мусобақаларини уюштириб келмоқда.

Яккасарой туманида Мудофаага кўмаклашувчи «Ватанпарварлик» ташкilotи ташаббуси билан ёшлар ўртасида учкураш мусобақаси ўтказилди. Тумандаги 15-спорт мактабидан уюштирилган ушбу мусобақага пойтахт ёшлар жамоасидан ташқари мамлакатимиз вилоятлари вакиллари ҳам ташриф буюришди. Муросасиз, кескин ва қизиқари кечган беллашувлар якунида биринчи ўринни Тошкент шаҳри жамоаси кўлга киритди. Фолибга мутасаддиларнинг эсдалиги совғалари топширилди.

(Ўз мухбиримиз)

Фолиб аниқланади

Республика Давлат жисмоний тарбия ва спорт кўмитаси ҳамда Кураш миллий федерацияси билан ҳамкорликда 16-17 ёшли ўғил ва қиз болалар ўртасида ўтказиладиган ўзбек кураши бўйича Республика биринчилиги мусобақасига Тошкент шаҳар жамоаси саралаб олинди.

Айни дамда жамоа Тошкент шаҳар Кураш федерацияси вакиллари билан бирга Республика миқёсидаги мусобақада қатнашиш учун Жизза шаҳрига жўнаб кетди.

Республика биринчилиги учун бўладиган ушбу мусобақада барча вилоятлардан ҳамда Тошкент шаҳридан ташриф буюрадиган жамоалар таркибидан ҳар бир вазн тоифасида биттадан иштирокчи ўзаро куч синашдилар.

Ўғил болалар ўртасида 7 та, қиз болалар ўртасида 5 та вазн тоифасида бўладиган ушбу беллашувда ҳамшаҳарларимизга омадлар тилаймиз.

Орзуғул РУСТАМОВА

Кичи (хартал, хантал, хардал) — буткуллар оиласига кирувчи бир йиллик ўсимлик туркуми. Пояси тик ўсувчи, туксиз, шокланган бўлиб, ўсимлигининг илдизолди ва поясининг пастки қисмидаги барглари бандли, лирасимон қирқилган. Барглари поянинг юқори қисмига чикқани сари сийраклашиб, бандлари эса қисқариб боради. Поясининг уч қисмидаги барглари яхлит, бандсиз, кетма-кет жойлашган. Ўсимлигининг гуллари сариқ бўлиб, шингилга тўпланган. Меваси ингичка, чувалчангсимон, усти гадир-будур, кўп уруғлик бўлиб, етилиб пишганида очилиб кетадиган қўзқ.

Кичининг ёғ маҳсулоти берадиган, салат барг сифатида ишлатиладиган ҳамда илдизмевали навлари бор. Кичининг сарепт турининг меваларидан 35 фоизгача ёғ, янчилган кунжарасидан зиравор сифатида истеъмол қилинадиган горница; қорғога ёпиштирилган горничини ҳамда горница спирти олинади. Ўти тўйимли ем-хашак сифатида фойдаланилади.

Кичидан жуда қадим замонлардан бери халқ табиоти амалиётида фойдаланиб келинган. Ўз даврида Абу Али ибн Сино кичи уруғини бод, беланги ва турли шамоллаш билан боғлиқ бўлган касалликларни даволаш учун тавсия этган эди. У кичи ёғи билан шишларни, кўтри, темирткиларни йўқо-

тиш мумкинлигини айтган. Ўсимлик уруғини балғамни осон кўчирувчи омил сифатида фойдаланган. Асал билан кичи уруғи яхшилаб аралаштирилиб ишлатилса, нафас йўллари касалликларини даволаш мумкинлигини кўрсатиб ўтган эди.

Халқ табиёти амалиётида кичи уруғла-

лани мумкин: янги янчилган кичи уруғлари сув билан аралаштирилади-да, суюқ хамир кўринишини олгунча қориштирилади. Қоришма бирорта лахтак ёки тўқима парчасига юпка қилиб суртилади ва оғрикли азиятланаётган жойга босилиб, унинг устидан жунли мато билан улаб қўйилади (кичи бўтқасидан фойдаланишдан олдин оғриётган жойлар ўсимлик мойи билан суртилган бўлиши мақсадга мувофиқ). Компресс одатда тери кучли кизаргунча (15-20 дақиқа катта ёшдагилар учун, болаларга нисбатан озроқ муддат) сақлаб турилади. Кичидан обзан сифатида фойдаланиш учун 200-500 грамм миқдордаги уруғлар эзилмаси сув билан аралаштирилади. Обзан қабул қилиш даври 20 дақиқа атрофида бўлиши керак.

Илимий табиётда кичи уруғидан тайёрланган дори-дармонлар (горничиник қорғози, уруғ кукуни, кунжараси, кичи эфир мойининг 2 фоизли сиртли эритмаси) миозит, бронхит, бод ва бошқа шамоллаш билан боғлиқ касалликларда тавсия этилади.

Кичи уруғи меъда касалликларида ишлатиладиган йилма чойлар таркибига кирди. Кичидан тайёрланган салат гўштли, қолбасали, балиқли таомларга гарнир сифатида ишлатилади. Бундан ташқари, кичи барглари қайнатиб ёки тузлаб истеъмол қилиш ҳам мумкин.

• ШИФОБАХШ ЎСИМЛИКЛАР

Нафас йўлига фойдалари

ри қабзиятдан холи қилувчи, тумовга қарши, илштаха очувчи омил сифатида тавсия этилади.

Болгариялик олимлар кичи уруғларининг кукунидан бўтқа, компресс, обзан сифатида фойдаланиладиган бўлса, улар терида мавжуд бўлувчи рецетторларни кўзга ётиб қон юриштиришни аниқлаганлар. Бу муолажа кишини ўпка зотилжамидан холи қилади, юқори нафас йўллари шамоллаганда фойда беради, бод, беланги, хала, тақим асаб тизмининг азиятланишига хотима беради. Бунинг учун қуйидаги амаллардан фойда-

• «01» Диримизда қишнинг азбли кунлари ҳукм сурмоқда. Шу муносабат билан шаҳримизда ёнгитнар кўпайиб, катта моддий зарарни келтириб чиқармоқда. Улар муассасаларда, уй-жойларда иситиш печлари ва печ мўриларининг носозлиги ёки уларни ўз вақтида таъмирланмаганлиги, ҳамда улардан фойдаланиш даврида ёнгин хавфсизлиги қоидаларига риоя қилинмаганлиги оқибатида келиб чиқмоқда. Фикримизнинг исботи учун айрим мисоллар келтирамиз.

Ўт балосидан сақланг

Юнусобод тумани, С.Зуннунова кўчаси, 14-уйда ёнгин содир бўлди. Унинг оқибатида хонадоннинг том бўғоти 300 м² майдонда ёнган. Кўшни хонадонларга ҳам ёнгин ўтган. Ёнгин келиб чиқиш сабаби газ мосламасидан нотўғри фойдаланиш, ҳамда уни назоратсиз қолдиришдир.

Ўқитувчилар кўчаси, 12-уйда ҳам ёнгин содир бўлган. Ёнгин оқибатида 150 м² майдонда уйнинг том қисми ва уй жиҳозлари буткул ёнган. Ёнгин сабаби электр симларнинг қисқа туташувидир.

Юнусобод тумани, Ҳ.Асомов тор кўчаси, 33-уйда ёнгин содир бўлиб, оқибатда 80 м² майдонда уйнинг жиҳозлари ва том қисми буткул ёнган

ҳамда кўшни уйнинг ҳам томлари ёниб кетган. Ёнгин сабаби уй эгасининг сигарета қолдиргани ўчирмай ташлашдир. Мухтарам ҳамшаҳарлар! Сизларга иситиш печларидан фойдаланишда қандай ёнгин хавфсизлиги қоидаларига риоя қилишингизни эслатиб ўтмоқчимиз.

Ёқилган иситиш печлари устида, теварак-атрофида хар хил ёнувчи кийимларни қуришти, ўчиб қолган оловни ёқишда бензин, керосин, ацетон ва шунга ўхшаш ёнғил ёнувчи суюқлик ишлатиш ҳамда ёниб турган иситиш печларини тутатиш мумкин эмас.

Иситиш печларини ёқишдан олдин кул, чанг ва ислардан тозалаб мўрконларини та-

шқи тарафидан суваш, ҳамда оқлашни унутманг.

Мўрконнинг теварак-атрофида хашак, ўтин ва шунга ўхшаш ҳар хил ёнувчи уй-рўзгор буюмларини сақлаш тақиқланади.

Иситиш печларидан сурункали ва тинимсиз фойдаланиш, уларни ёқилган ҳолда қаровсиз қолдириб кетиш қатъиян ман этилади;

Ўт ўчириш воситаларини совуқ кунларда ташқарида қолдириш, улардан бошқа ҳўжалик эҳтиёжлари учун фойдаланиш ман этилади.

Совуқдан музлаб қолган воситаларни примус ёки олов ёқиб эритиш, қорхона ҳовлисида ўт ёқиш ҳар хил иш бажариш тақиқланади.

Азиз аммажонимиз Гулчеҳра Рўзиева!

Сизни 31 январь — туғилган кунингиз билан табриклаймиз. Бахтимизга доимо саломат бўлинг. Севимли жиянларингиз Ойдиниссо ва Зарнигор.

МЕҲРИБОН УСТОЗ, ЎМИДА ЗОКИРОВА!

Туғилган кунингиз кутлуг бўлсин. Доимо соғ ва омон бўлинг. Хурмат билан 123-мактабнинг 4 * синф ўқувчилари.

Тошкент шаҳридаги 216-мактаб томонидан 1993 йили Насиров Дилшод Базарович номига берилган АУ № 305081 рақамли ўрта маълумот ҳақидаги аттестат йўқолганлиги сабабли **БЕКОР ҚИЛИНАДИ**

Тошкент шаҳар Касаба уюшмалари Кенгаши ва тармоқ касаба уюшмалари шаҳар Кенгашига жамоалари Кенгашининг масъул ходими Улугбек Пулатовга волидаи муҳтарамаси **Тўхтаҳон аянинг** вафот этганлиги муносабати билан чўқур таъзия изҳор этади

«Тошқўқимачи» хиссадорлик жамияти табиёт-санитария қисми жамоаси шифокор-травматолог **Расул ИСОКОВ**нинг вафоти муносабати билан марҳумнинг оила аъзолари ва ақинларига чўқур таъзия изҳор қилади.



Сўзсиз сурат. Абдурасул Ҳақимов чизган расм.



Бош муҳаррир **Акмал АКРОМОВ**

Манзилимиз: 700000, Тошкент шаҳри, Матбуотчилар кўчаси, 32

ТЕЛЕФОНЛАР:

ҳзлар — 133-29-70; фўнолар: 133-28-95, 132-11-39; факс: (3712) 133-21-56.

Ҳажми — 2 босма табоқ офсет усулида босилди. 7887 нускада босилди. Қўзғо бичими А-3

Душанба, сешанба, чоршанба, пайшанба ва жума кунлари чикади. Нашр кўрсаткичи — 563

Газета Ўзбекистон Давлат матбуот қўмитасида 10-рақамли босил ўрнатилган

Нашири етказиб бериш масалалари бўйича тузур жойлардан почта бўлимада ёки «Тошкент поштамтани» — 133-74-05 телефонига мурожаат қилишингиз мумкин.

Газета «Тошкент оқшоми»нинг компьютер марказида терилди ва сақланган.

«Шарқ» нашриёт-матбаа ашҳадорлик қўмитасининг босмахонаси. Қорхона манзили: «Буюқ Турон» кўчаси, 41-уй.